

Sharon Rose a logra atrobe cu CD "Ta fin di Aña" volumen 2

E griep tabatin mi voz cambia y tabata bon mes pa e yamada cu mi a haci. Mi a yama y tambe manda un sms na 740-8005 y mi a laga sa: **"stop di hunga cu mi edad"**.

Na otro banda mi a tende: **"Ta kende?"** y e contesta tabata: **"Ta cua orguy"** **"E orguyo di organizacion di Wild life di Greg Peterson"**. E pregunta a sali: **"Ta cua orguyo esey ta?"**

"E chuchubi!"

"Cua Chuchubi?"

"E Juby Chuchubi".

Na otro banda di linea tabata tin un harimento.

Sharon Rose a haya sa porfin cu kende e ta papia. E motibo cu el a hunga cu mi edad ta cu el a manda mi atras 50 aña cu e grabacionnan cu e tin riba su CD cu dialuna en adelante lo ta disponibel.

Mi di cu Sharon pa no puntra mi con mi a haya e CD den mi man, pasobra esey ta mi secreto y si e kier e por y a m a ehercito, polis, fiscal, huez,

tur recherche team na Aruba mes y e no ta haya sa.

Mi tabata sa cu Sharon tabata **"den studio"** grabando su CD di Pasco, **"Ta fin di aña volumen 2"**. Un CD cu e concepto di cu Sharon ta den oracion y tin 4 cancion dedica na Hesus (e abanza) treci dilanti den diferente forma. Mi a keda sorprende cu e otro cancionnan cu el a graba ta e dese de cancionnan cu awe ta mes popular cu nan tabata 50 aña pasa cu Aruba a yena cu gruponan di aguinaldo. Gruponan di pasabon a bin despues. E CD ta cuminsa cu e **"Aguinaldo Arubiano"**, un adaptacion na Papiamento di Lurena Schwengle: **"Esaki ta e paranda di e arubiano. Ata nos rumannan nos ta saluda bo. E mihor deseo y hopi felicidad, den e temporada masha dushi aki di Pasco. Dushi temporada di Pasco nos ta trece alegria na tur e yunan di Aruba, hendenan di bon curazon. Virgencita di Alto Vista libra tur hende di malo. Nos isla ta bendiciona, nos ta felicita bo."**

Mes ora despues ta sigui **"Nos Ta Bendiciona"** cu letra y melodia di Gos Oduer. Un gaita lento y cu bunita coro acompañando Sharon.

"Ta henter mundo ta sperando su yegada. E yegada di e dushi niño sanstimo.. Esun yama pa trece paz aki na mundo.. E ta e Rey, E ta nos Salvador. Aya den cielo nos por weita un strea briya, mandando rayonan di luz cu ta anuncia, e nacimiento di e Yiu di nos Señor. Ban ricibi'E cu hopi amor pasobra E ta nos redentor", e ta canta entre otro.

E cancion cu a bira un clasico di nos compositornan y cantantenan ta **"Navidad na Aruba"** cu Letra y melodia di Carlos Hart q.e.p.d. / Frank Croes. E cancion aki ta kende no conoce: **"Navidad na Aruba, Navidad tin paz. Ta asina nos ta celebre hunto den nos hogar... Aruba ta resona, dicha y felicidad... tur su recuerdonan di amor, paz y tranquilidad. Recordando nos amigonan, cu**

destino a separa di nos. Den armonia yen di amor, cual alegre voz ta desea felicidad brindando amistad".

Un exito sigur Sharon a logra cu e potpourri di aguinaldo cu cancionnan tradicional y mi tin cu bisa cu el a combina nan masha bunita den otro cuminzando cu e exito grandi di principio di decada 60, **"Faltan cinco pa' las doce"** di Nestor Savarce cu na augustus e aña aki a fayece. Ken no ta corda di e cancion aki: **"Las campanas de la iglesia esta sonando, anunciando que el año viejo se va."** y su pida bunita: **"Son las cinco pa las doce el año va a terminar, me voy corriendo a mi casa, a abrazar a mi mama"**.

Mes ora el a bira di ritmo y drenta den e popular **"Fuego al cañon"** cu ta un di e clasiconan cu mas di 50 aña resonando anualmente como favorito y tambe canta pa Nestor Savarce: nos ta corda e **"Fuego al cañon, para que respeten nuestro parrandon.. Niño chiquitito, niño paradero, canta con nosotros hasta el mes de enero."**

E potpourri ta contene tambe:

"Tucusito tucusito, llevame a cortar las flores. Mira que en las navidades se cortan de las mejores", cancionnan cu ta mandabo bek den tempo di recuerdo di e otro cancionnan tambe manera **Burrito Sabanero, Tun Tun, Cantemos cantemos** entre otro.

E di cinco cancion riba e CD di Sharon Rose, ta e cancion **"Sinti bo cerca"** cu letra y melodia di Lurena Schwengle y cu ta menciona den e letanan: **"Mi ta sintibo cerca, mi ta sinti bo amor.. Bo ta e luz di mi vida. Den mi curazon bo ta biba.. Mi lagrima bo ta seca, mi dolor bo ta alivia, mi no conoce soledad tur caminda bo ta compañami.. Bo amor ta infinito, enorme pa compronde. Bo ta rey di universo, bondadoso y milagroso, bo fe ta mi riqueza, bo presencia ta mi paz.. Dios nos creador bo ta mi wardador"**.

Mes ora despues nos ta bay bek den tempo di recuerdo ora cu Sharon ta canta e hit grandi di Boy Dap, **"Ta bo mes"**. Nos ta corda e letanan cu ta bisa: **"Den mi paseo bo a compañía mi pa bo hiba mi den un paraiso. Est'un romance, un dushi soño y den un soño, un dushi amor.. Despues di bo ta bo mes, den mi paseo ta bo mes, pa compañía mi ta bo mes, ta bo mes.. Den mi soño den mi romance, un dushi amor, ta bo mes ta bo mes"**.

E no a keda cerca Boy Dap so, pasobra el a usa tambe un adaptacion di Ernst "Keke" Willems na Papiamento presentando riba e CD **"Señor mi ke ta manera bo"** cu ta masha facil pa canta y cu a ripiti: **"Señor mi kier ta manera bo... Señor mi kier ta manera bo. Mi kier ta un ehemplo di bo amor. Señor mi kier ta manera bo"**.

Edi 8 cancion ta **"Ata mi cerca Bo"**, un adaptacion na Papiamento di Junaida Ferrero cu un ritmo di salsa. **"Wanta mi cerca bo tuma mi den bo brazanan.. Mi a realiza cu ora cu mi ta cu bo tur mi dudanan ta desparece cu e amor cu bo ta stima mi cune."**

"Tene mi awor, lagami sinti bo calor. No lagami bay, mi kier ta hopi cerca bo.. Tur ora bo tin mi ta haya hala y mi ta bula bay den e nubianan cu e amor cu bo ta stima mi cune."

E ultimo cancion ta un cancion di ñapa, esta **"Sinti Bo Cerca"**, pero coo gaita acoustico, esta por scucha e cancion manera e tabata zona antes cu su cuarta, tamboran combina cu acompañamento bunita di e cuarta y e raspa.

Mi no por keda sin menciona e musiconan y coro cu a contribui na e bunita CD aki, cu ta **Raul Piar** na piano, areglo, programacion y tambe **Irving Vis** riba tambora, furruc, conga, tambe mescla y materisacion. **Jefferson Gomez** cu a toca wiri, campana, raspa y timbal, **Everick Rincons** cu su cuarta, **Aldwin** cu bajo. Y e coristanan **Vivienne Gomez, Judizka Vis y Vinessa Kock** y e bon grabacion haci na **Solid Sound HD Recording studio**.

"Sharon, you did it again!" Masha pabien y mi ta sigur cu esnan cu scucha e recuerdonan y e 4 cancionnan di alabanza sigur lo keda encanta cu e CD aki ora cu nan cumpra esaki.

Juby Naar.

